

又請加賀胡椒丹木是欲試朝廷之淺深也令禮曹并持空書契及所改書契初給所改書契而猶為發怒則直給空書契曰此非朝廷之意乃汝等請之故也○日暈夜坤方如火氣

甲戌諫院啓曰臣等以慶尚右兵使金胤宗年老才衰啓遞而大臣反以增益倭人輕侮之心且以軍籍之事啓請仍任所啓之意可謂切當矣然以臣等所啓之意言之彼倭人之輕侮皆出於邊將之非人邊將得人則彼人有服矣當初胤宗為兵使一國皆以為未便豈獨年老才衰而已哉以此將守邊而欲折倭人輕侮之心不亦難乎况軍籍之事亦不可不擇人而付之也當今之時豈無善處之道而欲以胤宗之不適鎮服彼人之心乎人之所見各有不同非以大臣之言為不可而只陳臣等之所見故敢啓荅曰金胤宗不久當遞故依大臣所啓而仍任矣不久○三公令檢詳啓曰自上命持二書契而試之彼之欲受空書契者非真心也胡椒丹木欲加賀之意也自上反覆開諭而少無謙遜校計益肆請給空書契而送之荅曰當初